

ԼՂԻՄ. ԼԻԱԶՈՐ ՆԵՐԿԱՅԱՑՈՒՑԻՉՆԵՐԻ ՀԱՄԱԳՈՒՄԱՐ

Օգոստոսի 16-ին Ստեփանակերտի հայկական պետական դրամատիկական թատրոնի շենքում տեղի ունեցավ Լեոնալին Ղարաբաղի քնակչության լիազոր ներկայացուցիչների համագումարը: Համագումար էին ներկայացել մարզի կուսակցական, խորհրդային, կոմերիտական, արհմիութենական կազմակերպություններից, քաղաքների և գյուղերի աշխատավորական կոլեկտիվներից, մարզի մտավորականներից առաջադրված 378 պատգամավորներ: Համագումարի խորհրդականն էր՝ «Մեր ուժը

մեր միասնության մեջ է»: Նրա նպատակն է ձևավորել ինքնավար մարզի ղեկավարման խորհուրդ՝ մինչև կառավարման սահմանադրական ձևերի վերականգնումը: Չնայած հայտարարված էր համագումարը սկսել առավոտյան ժամը 10-ին, սակայն նշված ժամին դա հնարավոր չեղավ: Աղդամից և Լաչինից մարզի էլեկտրամատակարարումը անջատվել էր: Բայց տեղական միջոցներով համագումարի դահլիճը լուսավորվեց, և ժամը 11-ին համագումարը բացեց համամիութենա-

կան կարգի անհատական թոշակառու Շմավոն Պետրոսյանը: Համագումարի ղեկավար կազմ ընտրելուց հետո հաստատվեց օրակարգը. 1. Մարզում գոյություն ունեցող իրավիճակի մասին. 2. Ազգային խորհրդի ընտրություններ: Առաջին հարցի շուրջը գեկուցումով հանդես եկավ ԼՂԻՄ-ի հատուկ կառավարման կոմիտեի անդամ, ժողվերահսկողության մարզային կոմիտեի նախագահ Վլադիմիր Թովմասյանը: Ելույթ ունեցավ 28 մարդ: Համագու-

մարն ընտրեց ազգային խորհուրդ, ընդունեց որոշում և դեկլարացիա, կոչ արեց մարզի աշխատավորությանը՝ դադարեցնել գործադուլը և անցնել աշխատանքի: Ազգային խորհրդի նախագահ ընտրվեց ԽՍՀՄ ժողովրդական դեպուտատ, Մարտունու կուսբյուրոյի առաջիմ քարտուղար Վաչագան Գրիգորյանը: Տեղակալներ ընտրվեցին Վլադիմիր Թովմասյանը, Սերգեյ Դավթյանը և Վալերի Աթաջանյանը:
Լ. ՄԿՐՏՉԵԱՆ
(մեր սեփ. թղթ.)